

Crishock odao počast civilnim žrtvama rata u Serdarima



Vršilac dužnosti visokog predstavnika Louis J. Crishock posjetio je spomen-obilježje u selu Serdari, općina Kotor Varoš, gdje je odao počast civilnim žrtvama rata srpske nacionalnosti ubijenim u tom selu u septembru 1992. godine.

“Svaka civilna žrtva zaslužuje da je se sjećamo sa dostojanstvom i poštovanjem. Odavanje počasti svim civilnim žrtvama rata, bez obzira na njihovu etničku pripadnost ili vjeru, jača međusobno povjerenje i razumijevanje te pomaže u izgradnji mirne i prosperitetne budućnosti za sve u Bosni i Hercegovini”, rekao je Crishock.